



PARLAMENTO NACIONAL DE TIMOR-LESTE
Comissão de Finanças Públicas
RELATORIU FISKALIZASAUN IHA MUNISÍPIU BAUCAU



2 de julho de 2020



PARLAMENTO NACIONAL DE TIMOR-LESTE

Comissão Finanças Públicas

Sumário

- I. Enquadramento Legal
- II. Objetivo
- III. Kompozisaun
- IV. Programa durante visita
- V. Resultado visita
- VI. Konkluzau
- VII. Rekomendasau
- VIII. Aprovação

I. ENKUADRAMENTU LEGAL

Comissão das Finanças Públicas do Parlamento Nacional, halao fiscalização baseia ba artº. 92º, 95º, n.º 3 alínea e), combinado ho artº. 145.º n.º 3) Constituição da República Democrática de Timor-Leste, no mos baseia ba artº 35º alínea c), combinado ho artº 79º alínea f) Regimento do Parlamento Nacional.

I. OBJETIVO

Comissão de Finanças Públicas, wainhira define atividades iha Plano Ação Anual inklui mos visita ba Municípios ho carater fiskalizasaun atu continua acompanha, monitoriza no fiscaliza ezekusaun OGE nebe executa ona iha programa COVID-19 no DOT. Nune'e iha loron 2 fulan julho tinan 2020, Comissão das Finanças Públicas halao visita ba iha Município Baucau atu hatene kona ba progresso no problema ne'ebe executivo sira hasoru wainhira implementa programa Governo tuir Plano Ação ne'ebe Governo apresenta ba Parlamento Nacional lori husu aprovação.

II. COMPOSIÇÃO

Membros Komisaun Finanças Públicas ne'ebe visita Município Baucau composto husi Deputados nain sanulu resin ida (11) acompanha husi técnico nain rua (2), jornalista RT-PN nain ida (1) inklui motoristas secretariado Parlamento Nacional no Deputados, hanesan tuir mai ne'e:

1. Deputada Maria Angelica R. da C dos Reis : Presidente e Chefe Delegação
2. Deputada Rosalina Ximenes : Vice-presidente
3. Deputada Nélia Soares Menezes : Secretária
4. Deputado Silvino Adolfo Moraes : Membro
5. Deputada Noémia Sequeira : Membro
6. Deputado Duarte Nunes : Membro
7. Deputada Maria Terezinha Viegas : Membro
8. Deputada Maria Fernanda Lay : Membro
9. Deputado António da Conceção : Membro
10. Deputada Isabel Maria B. F Ximenes : Membro
11. Deputado António de Sá Benevides : Membro
12. Afonso Cassiano Ramos : Técnico
13. Simplicio Gomes : Técnico
14. Nazaret Alfredo Gusmão da Silva : Jornalista RTPN

Senhores Deputados Deputado António Maria N. A Tilman no Deputada Maria Angelina Lopes Sarmiento la participa tanba iha assunto seluk.

III. PROGRAMA DURANTE VIZITA

Delegação realiza audiência iha salão Administração Município Baucau ho entidades hanesan: Presidente da Autoridade Município, Secretária Município, membro KDD, Diretores linhas Ministeriais, PNDS nó Administradores Postos Administrativos.

IV. REZULTADO VISITA

Audiência

a. Introdução

Presidente Comissão das Finanças Públicas; ható introdusaun kona ba objetivu husi visita Comissão das Finanças Públicas iha Município Baucau atu hatene kona ba processo ezeusaun Orçamento Geral do Estado iha regime duodecimal no execução orçamento iha âmbito combate COVID-19, tanba ne'e atu rona informação husi Presidente Autoridade Municipal ho Diretores linhas ministeriais sira.

Encontro ne'e realiza iha salão Administração Município Baucau, abertura husi Presidente da Autoridade do Município.

Iha apresentação ne'e fo bem-vindo ba Presidente Comissão Finanças Públicas ho membro sira ne'ebe marca presença iha Município Baucau. Apresenta mos estrutura Município Baucau ne'ebe marca presença hanesan Senhores Diretores Regional & Sectorial, Senhores Chefes Departamentos no Senhores Administradores Postos Administrativos.

Presidente Autoridade Município Baucau:

Iha audiência fiscalização ne'e ható assunto tolu ba senhores Deputados

- Kona ba execução DOT;
- COVID-19 ne'ebe Governo cria Decreto-lei n.º 15/2020;
- Diploma conjunto n.º18/2020 para contribui subsídio ba família agregados.

Família agregados iha município Baucau hamutuk 34,151, orçamento ne'ebe município hetan hamutuk \$6,830,200 milhões dólares americanos. Saldo ne'ebe devolve ba iha cofre do estado hamutuk 300 mil e tal dólares americanos, maibe mil famílias agregados la consegue selu tanba ho razão katak naran dupla ne'ebe deteta husi Instituto Segurança Social no equipa pagamento husi MSSSI foti reclamação diretamente, oras ne'e dadauk iha ona nível nacional atu halo verificação.

Iha loron 8 fulan junho tinan 2020 município atu halo levantamento orçamento kona ba Covid-19, maibe husi BNCTL lori diretamente osan ba iha posto administrativo Vemasse no fatin balun no osan nia slip la assina husi Presidente município, maibe halo mecanismo ida mak chefe suco no chefe aldeia sai hanesan oficial iha tereno katak bele assina depois administrador posto no município assina, ne'ebe hamutuk ema nain tolu para bele halo levantamento, ho ida ne'e haruka hotu ba município hodi assina slip mak foin deteta katak osan \$6.830.200 dólares americanos mak aloca mai iha município maibe laiha carta oficial ruma husi nacional.

Elaboração no fórmula dados kona ba família agregados ne'e mai husi suco no aldeia. Família agregados parte suco Buibau, posto administrativo Baucau hamutuk 998 mak naran iha ona lista no taka ona iha suco, maibe 933 famílias deit mak hetan pagamento no uma kain 65 mak la consegue halo pagamento. Razão saída mak la selu ne'e competência MSSSI tanba autoridades município la simu petições no declarações maibe iha hela MSSSI nia equipa.

Funcionários ne'ebe hetan salário \$450.00 dólares americanos ba leten mos naran sai iha lista MSSSI nian, maibe Instituto Segurança Social mak iha dever hodi verifica. Kona ba declaração no reklamasun ne'e parte MSSSI ninia responsabilidade tanba iha nia equipa ne'ebe recolha dados husi município ba iha nacional.

Iha loron 22 março 2020, estudante husi Filipina mai iha município Baucau tama auto carantina ne'ebe inan no aman rasik mak halo ba nia oan, ne'ebe diak liu, tuir entidades nia observação, tanba carantina

ne'ebe halo ho privado ne'e considera hanesan isola iha uma tanba la fo tempo hodi lao livre, ne'e acontece iha aldeia Samadigar suco Buibau, posto administrativo Baucau.

Kona ba Covid-19, Município Baucau nia oan hamutuk nain tolu nolu (30) mak mai husi Austrália, sira hirak ne'e agora dadauk iha Município Baucau. Durante ne'e laiha ema ida tama ilegalmente. Município Baucau instala ona equipa covid-19 ne'ebe lidera husi Presidente Autoridade Município.

Atividades prevenção pandemia Covid-19, iha Município Baucau começa taka dalan iha lora 31 fulan março tinan 2020 iha área Tiriloka. Iha lora 1 fulan abril tinan 2020 husi instituição PNTL, F-FDTL no Ministério Saúde, Segurança Social, serviço Água e Saneamento, UNDP no hetan mos apoio husi nasaun Austrália komesa halao serviço 24 horas.

Parte município simu carta subsídio husi Vice Ministro Saúde ne'ebe orienta katak presidente autoridade no administrador sira mak lidera equipa Covid-19 iha município, maibe laiha subsidio orçamento tanba Ministério da Administração Estatal coordena deit serviços. Município entrega ona dados famílias agregados ba Governo central, maibe kona ba fundo município laiha informação.

NGO internacional ILO mak halao projeto kona ba estradas iha suco Larisula, posto administrativo Baguia. Projeto ne'e fahe ba companha cada quilometro ida-idak, ninia manutenção rotina halo husi comunidade no manutenção periódico contínua assegura husi ILO no Ministério Obras Públicas, ne'ebe fo beneficio ba povo tanba ne'e mak autoridade município relata orçamento ne'ebe executa iha município.

Orçamento DOT nia transferências públicas mak financia ba merenda escolar maibe aprendizagem lalao ona fulan tolu tanba acontece ho pandemia Covid-19 ne'ebe ita lao ho estado de emergência.

Durante mandato Presidente de autoridade município Baucau, simu deit orçamento parte tolu mak salário e vencimento, bens e serviços no transferências públicas. Osan transferências públicas mak selu autoridades locais no pessoal contratados ne'ebe apoio administração iha suco no resto ba iha parte educação hodi gere ba merenda escolar.

Diretor Obras Públicas Município Baucau:

Orçamento ba serviços manutenção das estradas urbanas e rurais ne'e iha Governo central maibe iha município halao deit serviço técnico.

Diretor Educação Município Baucau:

Iha município Baucau hamutuk 228 escolas, tempo pandemia Covid-19 processo aprendizagem la lao, maibe foin dadauk escolas hamutuk 47 iha posto administrativo tolu (3) mak lao tiha ona tanba tuir ona critério ministério saúde. Parte Ministério saúde no serviço autoridade municipal fo apoio hodi halo cerimónia lançamento abertura, orçamento ba lançamento cada posto administrativo hetan 100.00 dólares americanos.

Iha município Baucau estudantes hamutuk 41.404, total estudantes ne'e mai husi escolas públicas, escolas comunitárias, no escolas privadas. Orçamento ba merenda escolar iha fulan fevereiro tinan 2020 nian ba escolas públicas ho nia estudantes 20.022. Orçamento ne'ebe executa ba merenda escolar nian iha loron walu (8) nia laran hamutuk \$40.000.44 dólares americanos, maibe tama iha estado emergência ne'e la continua ba merenda escolar.

Escolas comunidades nia alunos hamutuk 1.230 no implementa merenda escolar iha loron ualu nia laran ho osan \$2.668 dólares americanos, total osan ne'ebe aloca ba escolas públicas no comunitários hamutuk \$42.800 dólares americanos.

Iha tinan 2020 escolas públicas hetan osan fulan rua nian ba conceções escolares maibe escolas privadas no comunitários la hetan, questão ne'e ható'o ona ba ministério educação maibe fo resposta katak sei halao discussão ho ministério finanças.

Diretor da Gestão do Mercado Município Baucau:

Parte gestão de mercado sempre halo execução orçamento ne'ebe aloca husi Governo central cada fulan, wainhira acontece pandemia Covid-19 la halo programa hanesan bai-bain maibe halo deit programa seminário no desmina informação.

Chefe Departamento Serviço Saúde Município Baucau:

Atu halo prevenção Covid-19 iha escolas mak parte saúde fo prioridade tolu mak tau bé-mos no sabão hodi fase liman, distanciamento estudantes no professores no tenke uja mascara, maibe to'o agora saúde

municipal sidauk hetan subsidio orçamento. Salário fulan junho tinan 2020 nian ba regime geral sei selu iha loron 24 junho no regime especial nian sei selu iha loron 27 junho tinan 2020. Durante estado emergência serviço saúde municipal to'o postos lao diak.

b. Alocação dos orçamentos e execução

a. Orçamento ba DOT

Município Baucau hetan alocação orçamento duodecimal husi fulan janeiro to'o junho tinan 2020 hamutuk \$1,908,916.28 dólares americanos ho nia execução \$1,309,186.44 dólares americanos no nia saldo \$599,729.84 dólares americanos, hetan 68.58%. Execução orçamento ba serviços iha município mak hanesan tuir mai:

- 1) Orçamento ba Serviços Administração Município (SAM) hamutuk \$875,345.75 dólares Americanos, despesas ka gasta ona \$729,049.62 dólares americanos ho nia saldo \$146.296.13 dólares americanos ne'ebe nia percentagem atingi 83.29%;
- 2) Orçamento ba Serviço município parte saúde nia hamutuk \$157,477.99 dólares americanos, executa ona \$108,866.33 dólares americanos ho nia saldo \$48,611.66 dólares americanos ne'ebe nia percentagem atingi 69.13%;
- 3) Orçamento ba serviço município parte Educação nia hamutuk \$443,130.28 dólares americanos nia despesa ka gasta ona \$143,339.24 dólares americanos, ho nia saldo \$299,791.04 dólares americanos ne'ebe nia percentagem atingi 32.35%;
- 4) Orçamento ba serviço município parte Agricultura nia hamutuk \$262,373.49 dólares americanos, despesa ka gasta ona \$217,386.00 dólares americanos ho nia saldo \$44,987.49 dólares americanos ne'ebe nia percentagem atingi 82.85%;
- 5) Orçamento ba serviço município parte Obras Públicas nia hamutuk \$43,931.72 dólares americanos, despesa ka gasta ona \$35,910.56 dólares americanos ho nia saldo \$8,021.16 dólares americanos ne'ebe nia percentagem atingi 81.74%;
- 6) Orçamento ba serviço município parte Água Saneamento e Ambiente (ASeA) nia hamutuk \$71,914.02 dólares americanos, despesa ka gasta ona \$38,899.16 dólares americanos ho nia saldo \$33,014.86 dólares americanos ne'ebe nia percentagem atingi 54.09%;
- 7) Orçamento ba serviço município parte Gestão Mercado e Turismo (GMeT) nia hamutuk \$6,492.00 dólares americanos, despesa ona \$1,864.00 dólares americanos, niania saldo \$4,628.00 dólares americanos nebe nia percentagem atingi 28.71%;
- 8) Orçamento ba serviço município parte Registo Notariado e Cadastro (RNeC) nia hamutuk \$14,203.49 dólares americanos, despesa ka gasta ona \$9,646.00 dólares americanos niania saldo

\$4,557.49 dólares americanos, ne'ebe nia percentagem atingi 67.91%;

- 9) Orçamento ba serviço município parte Associação Social e Gestão Desastre Naturais (ASeGDN) nia hamutuk \$34,047.54 dólares americanos, despesa ka gasta ona \$24,225.53 dólares americanos ho nia saldo \$9,822.01 dólares americanos ne'ebe nia percentagem atingi ona 71.15%.

b. Orçamento ba programa projeto prioridade ba Autoridade Município Baucau tinan 2019.

Orçamento ba programa projeto prioridade ba autoridade município Baucau iha tinan 2019 hamutuk \$404,729.42 dólares americanos, selu ona \$162.858.93 dólares americanos, ho nia saldo atual \$241,869.05 dólares americanos, mak hanesan tuir mai:

- 1) Edifício posto administração Baguia ho nia osan \$159,620.87 dólares americanos, construção atingi ona 78% ne'ebe selu ona \$50,632.08 dólares americanos ho nia saldo atual \$108,988.78 dólares americanos tanba sei precisa muro haleu para halo proteção;
- 2) Escola EBF Selegua, ho osan \$65,442.32 dólares americanos, construção atingi ona 90% ne'ebe selu ona \$24,643.98 dólares americanos ho nia saldo atual \$40,798.34 dólares americanos, tanba precisa completa tuir contrato nebe mak iha;
- 3) Instalação eletricidade, bé-mos e ateru fatin ba mercado vila Baucau ho osan \$163,037.38 dólares americanos, construção atingi ona 85% ne'ebe selu ona \$73,366.62 dólares americanos ho nia saldo atual \$89,670.76 dólares americanos, falta item eletricidade no canalização bé-mos para completa 100%,
- 4) Ateru pateu ba SAMES nian husi saúde ho osan \$16.628,85 dólares americanos, construção atingi ona 100%, selu ona \$14,217.25 dólares americanos ho nia saldo \$2,411.16 dólares americanos, ne'ebe remata ona no hein submete pagamento retenção 10%.

c. Orçamento ba Programa PNDS

Programa PNDS nia iha tinan 2014-2020 ho nia orçamento \$4,273.432 dólares americanos mak hanesan:

- 1) Orçamento ba bé-mos no saneamento hamutuk \$1,684,354 dólares americanos, ba projetos 59;
- 2) Orçamento ba educação cultura e desporto hamutuk \$534.822 dólares americanos, ba projetos 18;
- 3) Orçamento ba saúde hamutuk \$199.393 dólares americanos, ba projeto 11;
- 4) Orçamento ba dalan, ponte e controlo de cheias hamutuk \$1,741.595 dólares americanos, ba

projeto 50;

- 5) Orçamento ba agricultura e segurança alimentar no buka moris hamutuk \$261.157 dólares americanos, ba projeto 9;
- 6) Orçamento ba setores seluk hamutuk \$634.884 dólares americanos, ne'e ba 38 projetos.

d. Apoio husi parceiros

Tama iha desconcentração Administrativa, autoridade município Baucau mos hetan parceiro husi **UNDP** ne'ebe halo acordo iha tinan 2019. Orçamento ne'ebe aloca iha município Baucau hamutuk \$99.455 dólares americanos, financia ba construção sistema comunitário bé-mos iha posto administrativo Quelicai Vila, ne'ebe selu ona \$39.782 dólares americanos, ho progressão físico iha terreno to'o ohin loron (1 de julho) foin atingi 79.56%.

União Europeia apoio orçamento ba projeto reabilitação estrada categoria área rural ne'ebe mak bolu agro floresta tinan 2018-2019, ho orçamento \$1,751.457 dólares americanos. Projeto ne'e fahe ba cada companhia nacional quilometro ida no controla direita husi NGO internacional ILO no MOP. Orçamento ba cada quilometro ba projeto reabilitação sira ne'e mak hanesan tuir mai:

- 1) Orçamento ba reabilitação Estrada Suco Defauasi, Alawa leten no Alawa kraik hamutuk \$174.654 dólares americanos, atingi ona 100%, hela deit retenção 10%;
- 2) Orçamento ba reabilitação Estrada Suco Defauasi, Alawa leten no Alawa kraik hamutuk \$176.601 dólares americanos, atingi ona 100%, hela deit retenção 10%;
- 3) Orçamento ba reabilitação Estrada Suco Defauasi, Alawa leten no Alawa kraik hamutuk \$147.195 dólares americanos, atingi ona 85.49%;
- 4) Orçamento ba reabilitação Estrada Suco Defauasi, Alawa leten no Alawa kraik hamutuk \$198.018 dólares americanos, atingi ona 71.39%;
- 5) Orçamento ba reabilitação Estrada Suco Defauasi, Alawa leten no Alawa kraik hamutuk \$258.408 dólares americanos, atingi ona 68%;
- 6) Orçamento ba reabilitação Estrada Suco Defauasi no suco Alawa leten hamutuk \$188.529 dólares americanos, atingi ona 100%, hela deit retenção 10%;
- 7) Orçamento ba reabilitação Estrada Suco Defauasi to'o iha suco Uakala hamutuk \$123.717 dólares americanos, atingi ona 100% no hela deit retenção 10%;
- 8) Orçamento ba reabilitação Estrada Suco Defauasi to'o iha suco Uakala hamutuk \$135.531 dólares americanos ne'ebe atingi ona 100% no hela deit retenção 10%;

- 9) Orçamento ba reabilitação Estrada Suco Defauasi to'o iha suco Uakala hamutuk \$169.916 dólares americanos ne'ebe atingi ona 82.63%;
- 10) Orçamento ba reabilitação Estrada Suco Defauasi to'o iha suco Uakala hamutuk \$178.448 dólares americanos ne'ebe atingi ona 98.29%.

e. Orçamento ba projeto Estrada rural

Iha mos orçamento ba projetos balun husi nacional ne'ebe iha Ministério Obras Públicas nia okos no halao iha tinan 2018 – 2019 ho nia orçamento hamutuk \$2.491.659.75 dólares americanos. Progresso serviço estrada rural R4D mak hanesan tuir mai:

- 1) Orçamento ba reabilitação Estrada iha posto administrativo Baguia, suco Larisula (pacote I) ho nia contrato \$388.371.80 dólares americanos ne'ebe atingi ona 100% no hela deit nia retenção 10%;
- 2) Orçamento ba reabilitação estrada iha posto administrativo Baguia, suco Larisula (pacote II) ho nia contrato \$365,095.86 dólares americanos ninia atendimento ba progresso físico 100% ona no 10% ba retenção;
- 3) Reabilitação estrada husi Bercoli to'o Bahamori posto administrativo Venilale ninia serviço lalao no parado hela maibe orçamento ne'ebe financia ba projeto ne'e \$343,674.56 dólares americanos;
- 4) Reabilitação estrada Baguia - Larisula (pacote III) \$240,273.91 dólares americanos atingi ona 100% hela nia retenção 10%;

f. Fundo Infraestrutura Tinan 2016-21017 ba Estrada Municipal

Orçamento Fundo Infraestrutura ba reabilitação mak hanesan tuir mai:

- 1) Reabilitação Estrada Venilale – Fatulia – Uaimori ninia orçamento ba contrato original \$4,497,636.09 dólares americanos, projeto ne'e hahú 2017 ninia progressão 18%;
- 2) Reabilitação estrada husi Uaiaka to'o posto administrativo Quelicai – Lakudala ne'e pacote I (primeiro) ho nia orçamento \$3,451,113.20 dólares americanos, ninia progressão 29% projeto ne'e fahe ba pacote rua no companha rua mak kaer;
- 3) Reabilitação estrada husi Tiriloka - Fatumaca – Loilubu – Venilale pacote I ho nia orçamento \$3,599,951.87 dólares americanos ninia progressão 7.60%;
- 4) Reabilitação estrada parte Fatumaca – Loilubu – Venilale pacote II ho nia orçamento

\$3,450,866.98 dólares americanos nina progressão físico 6.71%;

Orçamento ne'ebe nível nacional aloca diretamente hodi financia ba projeto sira iha município Baucau ho nia montante \$18,850,681.34 dólares americanos.

Orçamento ne'ebe aloca husi MOP ba projeto iha área urbana hanesan projeto manutenção estrada Baucau Vila ba área rural hamutuk \$137,495.42 dólares americanos ne'ebe foin atingi 30% tanba Covid-19.

Manutenção estrada Laga – Baguia ho nia orçamento \$201,488.89 dólares americanos maibe wainhira autoridade município ba terreno hodi haré diretamente katak laos manutenção maibe dudu estrada deit no wainhira husu ba companhia hatan katak contrato mak hanesan ne'e. Manutenção estrada iha Baucau Vila husi parte ECTL nia to'o iha Bundaran mercado \$378,984.21 dólares americanos.

V. CONCLUSÃO

Iha visita fiskalizaun ne'e Comissão Finanças Públicas hasai konkluziun hanesan tuir mai:

- Município Baucau nia execução orçamento DOT no Covid – 19 nia lao ho diak maibe husi Governo central ladun iha coordenação diak tanba wainhira atu halo levantamento orçamento ba família agregados, parte husi BNCTL lori diretamente osan ba iha posto administrativo Vemasse no fatin balun, laiha mos carta oficial ba iha município maibe município atu assina slip mak foin hatene katak osan \$6.830.200 dólares americanos mak aloca ba iha município Baucau;
- Elaboração no formulação ba dados kona ba família agregados ne'e mai husi suco no aldeia. Família agregados parte suco Buibau, posto administrativo Baucau hamutuk 998 mak naran iha ona lista no taka ona iha suco, maibe 933 famílias deit mak hetan pagamento, uma kain 65 mak la consegue halo pagamento. Razão saída mak la selu ne'e competência MSSI tanba autoridades município la simu petições no declarações, maibe iha hela MSSI nia equipa;
- Administração município Baucau hetan parceiro husi UNDP ne'ebe halo acordo iha tinan 2019 no hetan apoio orçamento hamutuk \$99.455 dólares americanos hodi financia ba construção sistema comunitário bé-mos iha posto administrativo Quelicai Vila, no União Europeia apoio orçamento ba projeto reabilitação estrada categoria área rural ne'ebe mak bolu agro floresta tinan 2018-2019, ho orçamento \$1,751.457 dólares americanos iha posto administrativo Baguia;

VI. RECOMENDAÇÃO

- Orçamento ba merenda escolar ba escola privado nia, iha futuru mai ministério da educação bele aloca diretamente ba conta bancaria ida-ida nian hodi nune'e facilita lalais ba sira nia serviço;
- Tuir decreto-lei no diploma conjunto katak família nebe hetan vencimento \$450.00 dólares americanos ba leten labele hetan subsidio família agregados nian, maibe família balun naran sai tanba Instituto Segurança Social la consegue deteta. Tanba ne'e ba futuro wainhira mosu situação hanesan ne'e Ministério bele hadia hodi nune'e labele acontece tan.
- Recomenda ba Ministério Solidariedade Social tenke halo coordenação ho autoridades município kona ba apoio solidariedade ruma ne'ebe fo ba povo iha município tanba ema balun ne'ebe la merece simu apoio família agregados bele hetan fila fali nomos wainhira halo pagamento ruma iha município bele haruka direita orçamento ba iha município halo pagamento, hodi nune'e halo gestão diak ba orçamento estado.
- Hato'o ba Ministério Obras Públicas hodi bele aloca orçamento ba serviços manutenção ba estradas urbanas e rurais iha município hodi bele halo gestão ba manutenção, tanba orçamento hotu mai husi Governo central maibe município halao deit serviço técnico. Ministério mos kontrola didiak kona ba qualidade projeto iha município hodi nune'e bele garante ninia duração tuir ninia contrato orçamento ne'ebe mak iha;

VIII. APROVAÇÃO

Relatório ne'e hetan aprovação iha sala Comissão das Finanças Públicas, iha loron 20 fulan Janeiro tinan 2021, ho 9 votos á favor, 0 votos contra no 0 votos abstenção.

Relatora,

Deputada Maria Terezinha Viegas

Presidente da Comissão das Finanças Públicas,

Deputada Maria Angélica Rangel da Cruz dos Reis

